


*Ársskýrsla*

# Björgunarfélags Vestmannaeyja



Starfsárið 1996 - 1997

## ÁRSSKÝRSLA 1

### Skýrsla stjórnar.

Á starfsári því sem nú er að liða hefur mikið verið að gerast í starfi félagsins. Hin árlega samæfing SVFÍ á svæði 10 fór fram hér í Eyjum 24 ágúst og komu 35 björgunarmenn að æfinguna. Einnig voru haldnar nokkrar innanfélags æfingar.

Á árinu voru haldin mörg og margvísleg námskeið má þar meðal annars nefna: rústabjörgun, fjarskipti, skyndihjálp, björgunarmenn í aðgerðum, réttindi og skyldur, ásamt fleiri námskeiðum.

Þjóðhátiðin í ár var þokkalega stór hvað varðaði gestafjölda. Samstarfið við Þórarana gekk þokkalega vel. Við nutum dyggrar aðstoðar mjög fjölmenns og duglegs hóps frá Hjálparsveit skáta í Garðabæ ásamt hópi frá Hjálparsveit skáta Akranesi. Í síðustu ársskýrslu kom fram að gæslan á þjóðhátið 1994 og 1995 hafi verið þær fjölmennustu en nú var bætt um betur þar sem búist var við miklum gestafjölda og kröfur þær sem gerðar eru til gæslumanna eru alltaf að aukast. Álag a lög- og sjúkragæslu var í meðallagi. En aftur voru þó allir sammála um eitt, flugeldasýningin í ár tókst með ágætum, eins og alltaf áður.

Á starfsári því sem nú er að ljúka hefur nýliðahópnum vaxið fiskur um hrygg og er hann nú sá stærsti sem verið hefur. Í hópnum voru 19 nýliðar í þjálfun. Hafa 5 þeirra nú lokið sinni grunnþjálfun og munu þeir undirrita eiðstafin á þessum fundi.

Stjórn Landsbjargar ákvæð á fundi síðastliðið haust að keyptar yrðu fartölfur handa öllum aðildarsveitum og gaf Radíómiðun að því tilefni öllum sveitunum landskortaforritið MAX LAND, sem er sérhannað kortaforrit til notakunnar á landi ( svipar því mjög til MAK SEA sem hefur verið notað um árabil í fiskiskipaflotanum). Sérstök námskeið voru haldin til að kenna notkun forritsins og föru Páll Georgsson og Birgir Ólafsson á það fyrir hönd félagsins. Haldið var námskeið í stjórnun leitar og björgunaraðgerða fyrir meðlimi svæðisstjórnar og sóttu það einnig nokkrir aðrir félagar.

Landsstjórn björgunarsveita tók í notkun á árinu sérmerktar töskur fyrir meðlimi Svæðisstjórnar ásamt nýrri aðgerðamöppu með eyðublöðum til útfyllingar vegna aðgerða, er þetta gert til að hægara verði um vik við að safna saman upplýsingum um aðgerðir á vegum samtakanna, þar sem nú notast allir við staðlað form, er það von landstjórnar að þetta verði visir að aðgengilegum gagnagrunni til upplýsingaðflunar í framtíðinni.

Stærsta mál á liðnu starfsári voru tæringarskemmdir sem komu fram á ÞÓR, sökum þeirra var báturinn frá í tæpa 8 manuði, kostnaður ásamt tapaðri innkomu liggur á bilinu 5,5 - 6 miljónir, þeir sem vilja kynna sér þá sögu geta fengið hana útprentaða hjá stjórn.

Páll Georgsson ritari stjórnar á sæti í nefnd á vegum Landsbjargar sem sér um að skipta ráðstöfunarfé Landsbjargar á milli sveita. Vegna þessara starfa hefur hann heimsótt 17 af aðildarsveitum Landsbjargar til að kynna sér starf þeirra.

Stjórnin þakkar meðlimum B.V. samstarfið á árinu.

Adólf Þórsson,

Páll Georgsson.

Reynir Jóhannesson,

Aðalsteinn Baldursson

Eiríkur Þorsteinsson,

Gunnlaugur Erlendsson

## ÁRSSKÝRSLA 2

### Skýrsla fjarþiptaflokks.

Á starfsárinu tók fjarþiptaflokkurinn þátt í vikulegum æfingum Radióskáta með S.S.B. stöðvum, einnig var tekið þátt í reglulegum æfingum með FAR (Fjarþiptaflokk Almannavarna Ríkisins) voru þetta kvöld og næturæfingar. Formaður fjarþiptaflokks fór á þrjú námskeið og fyrillestra á vegum FAR. Einig voru haldnar fimm sólahringsæfingar sem tókust mjög vel. Ekki var um neitt samstarf að ræða á starfsárinu við fjarþiptaflokk Landsbjargar þar sem hann virðist ekki vera starfandi og er það af hinu sláma, því við vitum ekki hvernig er ástand fjarþiptasambands við Landsbjargarhúsið þar sem Landsstjórn hefur aðsetur. Er hér með lýst eftir upplýsingum um þennan flokk Landsbjargar.

Tilgangur æfinga þessa er að reyna tiðnir þær sem við höfum til umráða og er verið að finna út hvaða tiðni kemur best út við hin ýmsu skilyrði. Við æfingar þessar hefur komið fram að það eru vandamál hjá okkur við móttöku en sendingar hafa verið mjög góðar og hafa efturtaldir staðfest að sending frá okkur hefur heyrst hjá þeim og verið góð, Ísafjörður, Akureyri, Möðrudalur á Fjöllum og Keflavík.

Vandamálið við móttöku virðist vera einskorðað við tiðnir þær sem björgunar og hjálparsveitir nota því við höfum hlustað á sendingar viðsvegar að á öðrum tiðnum, má þar nefna amatörutvarp frá Bandaríkjunum og einnig frá Evrópu og einnig hefur verið hlustað á amatör sem sendir frá Argentínu. Ásamt því sem við töludum við þennan amatör. Notast hefur verið við línulofnet fyrir SSB fjarþipti megnið af árinu og hefur það gefið betri raun við móttöku/hlustun. Fjarþiptaflokkur aðstoðaði skátafélagið Faxa þegar JÓTA 96 var heldið. Við það tækifæri var talað við Ísafjörð, Akureyri, Blönduós, Úlfþjótsvatn, BÍS á Snorrabrautinni og Keflavík. Einn meðlimur fjarþiptaflokks er langt komin í því að fá amatörréttindi fyrir SSB stöðvar.

Í tengslum við gæslustörf á þjóðhátiðinni var sett upp stjórn stöð fjarþipta í gæsluskúr og önnur í gamla golfskálanum.

Á starfsárinu voru keyptar 3 nýjar 7.2v rafhlöður fyrir Yaesu talstöðvar og hraðhleðslutæki. Í vörlu fjarþiptaflokks eru tvær talstöðvar af YAESU gerð sem eru í eigu Almannavarnanefndar Vestmannaeyja.

fh. fjarþiptaflokks

Páll Arnar Georgsson

### Skýrsla almennrar gæslu á þjóðhátið

Þessi þjóðhátið einkenndist helst af rólegheitum. Eins og á liðnum þjóðhátiðum var helsta starfið í gæslunni að koma "gestum" í skjól eða að koma þeim í hendurnar á sjúkragæslunni. Var litið um gesti á Hótel Eimskip þetta árið og er það mikil breyting frá síðasta ári

Þó verður að taka fram að þegar kvesti all skyndilega aðfaranótt laugardagsins með rokki og rigningu skeðið það sama og vanalega, þjóðhátiðarnefnd og lögregla virtust hafa týnst, væri kannski ráð fyrir næstu hátið að setja sérstakt eftirlit með þessum aðilum.

## ÁRSSKÝRSLA 3

Ekki var mikið um alvarleg mál að ræða á þessari þjóðhátið, en samt virðist sem að þjófnaður úr tjöldum sé alltaf að færast í vöxt á milli ára. Var það áberandi varðandi tjaldþjófnað að hann hófst ekki fyrr en um brennu og síðan aftur á meðan flugeldasýningin stóð yfir. Það sem helst mætti taka fram fyrir næstu þjóðhátiðargæslu er að þeir sem lofa sér á vakt mæti svo þeir sem eru að ljúka vakt þurfi ekki að vera á aukavakt um lengri eða skemmri tíma.

fh. Gæslumanna

Páll Arnar Georgsson

### Skýrsla nýliðapjálfunar

Í dag eru skráðir 19 nýliðar í féluginu, flestir byrjuðu þeir árið 1995. Nokkur námskeið og fyrirlestrar voru haldnir á starfsárinu sem nýliðarnir áttu að taka, einnig áttu þeir að mæta í almenna vinnu og nýliðaæfingar.

Í upphafi settum við okkur það markmið að fylgjast vel með mætingu, vegna kröfunnar um lágmark 70% almennt starf, 5 af nýliðunum náðu að uppfylla þau skilirði sem sett eru til að geta fengið að rita undir eiðstaf félagsins.

Haldnar voru nokkrar æfingar á starfsárinu sem oftar en ekki fóru fyrir ofangard og neðan vegna lélegrar mætingar. Því var það oftar en ekki að umsjónarmenn þjálfunarinnar urðu að taka þátt til að þeir sem þó mættu gætu fengið tilskilda þjálfun.

Eftir að hafa séð um þjálfun nýliða í eitt ár er það samdóma álit okkar að í þetta starf þurfi að veljast eldri og reyndari félagar því þeir sem eru yngri eru enn að afla sér reynslu og kunnáttu, ásamt því sem þetta tekur mikinn tíma frá þeirra eigin þjálfunarprógrami og starfi fyrir félagið.

Að lokum viljum við þakka nýliðum fyrir samstarfið og vonum að þeir nýliðar sem nú koma til með að skrifa undir eiðstafin verði lyftistöng í starfi félagsins og reynist því vel. Einigil viljum við þakka það traust sem okkur var sýnt með því að fela okkur umsjá nýliðapjálfunar.

Bjarni Halldórsson.

Davíð Friðgeirsson.

Birgir Ólafsson.

### Skýrsla flugeldanefndar

Eins og áður er flugeldasalan ein af aðalfjárlunarlæidum Björgunarfélags Vestmannaeyja. Flugeldasalan um síðustu áramót var nokkuð góð miðað við sölu síðustu ára. Lager félagsins er í stærri kantinum að þessu sinni, kemur þar tvennt til, misfærsla í afgreiðslu á þöntun og breitt mynstur í sölu.

Björgunarfélag Vestmannaeyja sá um flugeldasýningu á síðustu þjóðhátið, að þessu sinni var meiri áhersla lögð á bombur í milli starð ásamt því að meira var um sér effekta og þótti mönnum þetta vera tilkomumesta og glæsilegasta flugeldasýning sem skotið hefur verið upp

## ÁRSSLKÝRSLA 4

á þjóðhátið ( endurtekið ár eftir ár.) Um áramótin vorum við með áramótasýningu ásamt íþróttafélaginu Þór. Var henni nú skotið upp vestan við Hásteinsvöllin til að ná meiri dreifingu á sýninguna.

Að lokum þakkar nefndin öðrum félögum framlagða vinnu við flugelda á síðasta starfsári.

fh. Flugeldanefndar

**Adólf Þórsson**

### Skýrsla bílahóps.

Á síðasta starfsári var ekki mikið um meiriháttar atburði hjá bílahóp, helstu atriði úr starfinu koma fram í liðnum Vinna og viðburðir, þrátt fyrir að ekki hafi verið neinir stór atburðir þá var nóg að gera í almennu viðhaldi á bifreiðum og bifreiðageymslunni ásamt því að bílauflokkur tók þátt í öðru starfi á vegum félagsins.

Fh. Bílauflokks

**Reynir Jóhannesson**

### Skýrsla minningasjóðs

Sala minningarkarta gekk mjög vel á síðast liðnu ári. Þóra Egilsdóttir, Sigríður Magnúsdóttir og Emma Sigurgeirs dóttir sáu um söluna. Á síðastliðnu ári tókum við upp á að senda út gíróseðla til þeirra sem senda minningarkort. Vigdís Rafnsdóttir sá um að prenta þá og hafi hún þakkir fyrir

Stjórn sjóðsins skorar á félagsmenn og aðra að muna eftir sjóðnum er þeir þurfa að senda minningarkort.

fh. minningasjóðs.

**Sigríður Gísladóttir,**

**Viktoría Gísladóttir,**

**Guðný Jensdóttir**

## ÁRSSKÝRSLA 5

---

### Vinna og viðburðir

#### 1996

2. Júní. Skátafélagið Faxi aðstoðað við flutning á borðum og stólum.
8. Júní. Unnið í tengslum við landhreinsun.
22. Júní. Fjölskylduferð hér heima.
24. Júní. Farið með búnað út í Bjarnarey.
26. Júní. Flugeldasýning vegna Pæjumóts.
- 5-7. Júlí. Fjölskylduferð á Seljavelli.
28. Júlí. Félagsgrill.
29. Júlí til 4. Ágúst. Vinna vegna þjóðhátíðar.
15. Ágúst. Einar og Guðjóni veit aðstoð vegna grófu sem var að fara á hliðina í Eldfelli.
24. Ágúst. Samæfing með SVFÍ.
23. Október. Æfing hjá kafarahóp.
28. Október. Æfing hjá klifurhóp.
4. Nóvember. Æfing hjá kafarahóp.
6. Nóvember. Skátafélagið Faxi aðstoðað við flutning á búnaði.
10. Nóvember. Æfing hjá nýliðum.
18. Nóvember. Ófærðar útkall. Aðstoð við að koma fólk til og frá vinnu ásamt því að losa bila.
15. Desember. Æfing hjá klifurhóp
16. Desember til 8. janúar. Vinna við flugelda.

## ÁRSSKÝRSLA 6

### Utköll og æfingar

#### 1996

16. Mars. Rústabjörgunaræfing
4. – 8. April. Páskaferð. 7. félagsmenn.
15. – 16. Maí. Surtseyjarferð. 13. félagsmenn og 2. Frakkar.
8. Júní. Heimaey hreinsuð. 25. félagsmenn.
29. Júlí til 4. Ágúst. Vinna vegna þjóðhátiðar.
15. Ágúst. Einar og Guðjón óskuðu eftir aðstoð vegna gröfu sem var að fara á hliðina í Eldfelli. 11. félagsmenn föru til aðstoðar.
17. Ágúst. Klifuræfing. 1. félagsmaður mætti.
24. Ágúst. Samæfing með Sly savarnasveitum á svæði 10. 20. manna hópur kom af fastalandinu og 15. heimamenn.
4. September. Nýliðaæfing.
12. – 15. September. 4. félagsmenn gerðu tilraun til að labba Kjalveg.
21. September. Klifurnámskeið sem breitist í sjúkraflutnings aðstoð við löggreglu, flitja þurfti sjúkling af 3. hæð í blokk.
18. Nóvember. Óveðursútkall. 10. félagsmenn mættu og voru báðir bílar í notkun. 50. beiðnir frá löggreglu og beinum óskum til okkar.
27. Nóvember. Klifuræfing. 6. félagsmenn mættu.
3. Desember. Klifuræfing. 7. félagsmenn mættu.
15. Desember. Klifuræfing. 5. félagsmenn mættu.

#### 1997

10. Febrúar. Lögreglan óskaði eftir aðstoð vegna stillans sem var að fjúka. 12. félagsmenn mættu.

## ÁRSSKÝRSLA 7

# LÓG Björgunarfélags Vestmannaeyja.

Björgunarfélag Vestmannaeyja varð til við sameiningu Björgunarfélags Vestmannaeyja er stofnað var 3 ágúst 1918 og Hjálparsveitar skáta Vestmannaeyjum er stofnuð var 6 ágúst 1965.

## HEITI FÉLAGSINS

### 1. gr.

Félagið heitir Björgunarfélag Vestmannaeyja ( B.V. ). Heimili þess og varnarþing er í Vestmannaeyjum.

## HLUTVERK.

### 2. gr.

Félagið sal vinna að alhliða björgunar og hjálparstörfum til sjós og lands:

- A. -Að halda uppi þjálfun fyrir félaga sína með námskeiðum og æfingum.
- B. Að beita sér fyrir fræðslu og kynningu á sviði öryggis og björgunarmála og stuðla að auknu slysavörnum.
- C. Að afla þess búnaðar sem nauðsynlegur er til starfsins.

## EINKENNI.

### 3. gr.

- A. Merkið félagsins er hringur og innan í honum jafnarma kross ásamt nafni félagsins Björgunarfélag Vestmannaeyja. Merkið er grænt á rauðgulum fleti.
- B. Merkið skal borið á vinstri upphandlegg á yfirhöfnum en á vinstra brjósti á skyrtum og peysum.
- C. Félaga skulu bera ofanskráð einkenni við störf félagsins.
- D. Fánar, veifur og annað þess háttar skal vera í samræmi við merki félagsins.
- E. Einkennislitur félagsins er rauðgulur ( Orange ).

## RÉTTINDI OG SKYLDUR.

### 4. gr.

Félagar geta þeir einir orðið sem uppfylla eftirfarandi skilyrði:

- A. Verða að minnsta kosti 18 ára á inntökuaðinu og hafa hlotið samþykki félagsstjórnar.
- B. Hafa hlotið undirbúningsþjálfun.

## ÁRSSKÝRSLA 8

- C. Félagar bera ábyrgð, einn fyrir alla og allir fyrir einn, á skuldbindingum félagsins.
- D. Nafnaskrá yfir alla félaga skal jafnan vera til hjá stjórn félagsins. Hver félagi skal fá skírteini sem sýnir að hann sé löglegur félagi. Við inngöngu í félagið skal hver félagi undirrita eiðstaf félagsins. Eiðstaf er hægt að rita undir tvisvar á ári. Á aðalfundi og árshátið félagsins.
- E. Félagsaðild er ekki bundin við búsetu í Vestmannaeyjum.
- F. Inntökubeiðnir og úrsagnir úr félaginu skulu vera skriflegar og sendar félagsstjórn.
- G. Eignir félagsins eru sameign félagsmanna og getur enginn einstakur félagsmaður gert sérstakt tilkall til þeirra.

### 5. gr.

Félagi getur sætt brottrekstri úr félaginu fyrir eftirtaldar sakir:

- A. Ef hann verður ber að því að spilla álti félagsins eða vekja tortryggní hjá félögum þess.
- B. Ef hann hefur áfengi eða eiturlýf um hönd í starfi fyrir félagið.
- C. Ef hann verður ber að óviðunandi umgengni um eignir og tæki félagsins.
- D. Ef hann sýnir félaginu ítrekuð vanskil.

Nú ályktar stjórnin að félagi sé brotrækur úr félaginu skal hún tilkynna það skriflega. Sætti hlutaðeigandi sig ekki við úrskurð stjórnarinnar, getur hann skotið máli sínu til næsta félagsfundar.

## SKIPULAG

### 6. gr.

Aðalfundur er æðsta vald í félagsmálum og tekur þær ákvarðanir um starfsemi félagsins sem þörf er á.

Rétt til setu á aðalfundi hafa allir fullgildir félagar og skal skrá yfir þá liggja frammi á fundinum. Aðalfundur skal haldinn fyrir 30. apríl ár hvert.

Á dagskrá aðalfundar skal vera:

1. Formaður setur fundinn og skipar fundarstjóra og fundarritara.
2. Undirritun eiðstafs.
3. Skýrsla stjórnar og umræður.
4. Reikningar útskýrðir og lagðir fram til samþykktar.
5. Lagabreytingar.
6. Kosning formanns.
7. Kosning stjórnar.
8. Skýrsla minningarsjóðs.
9. Kosning þriggja manna stjórnar minningarsjóðs.
10. Kosning tveggja endurskoðenda og eins til vara.

## ÁRSSKÝRSLA 9

---

### 11. Önnur mál.

Skyrsla stjórnar og reikningar skulu liggja frammi á fundinum.

#### 7. gr.

Aðalfundur ákveður árgjald.

#### 8. gr.

Félagsstjórn getur boðað til félagsfundar þegar henni þykir þörf á. Ennfremur er stjórninni skylt að boða til félagsfundar ef 1/4 hluti atkvæðabærra félaga óskar þess skriflega og tilgreinir fundarefnið. Nú hefur félagsstjórn ekki boðað til fundar 14 dögum eftir að óskin barst geta hlutaðeigandi félagar sjálfir boðað til fundar. Rétt til atkvæðagreiðslu á aðal og félagsfundum hafa þeir félagar sem greitt hafa árgjöld viðkomandi árs.

#### 9. gr.

Aðalfund félagsins skal boða með opinberri auglýsingu hálfum mánuði fyrir fund til að hann teljist lögglegur. Úrslit mála á fundum ræður einfaldur meirihluti nema um breytingar lögum á þessum sbr. 19 grein. Fundargerðir skulu ritaðar í fundargerðarbók, lesnar upp á fundi og síðan staðfestar með undirskrift formanns og ritara.

#### 10. gr.

Stjórn félagsins skal skipuð 6 önum, formanni, varaformanni, ritara, gjaldkera og meðstjórendum. Skulu þeir kosnir á aðalfundi. Formaður skal kosinn sérstaklega til eins árs í senn. Stjórnarmenn skulu kosnir skriflega ef fleiri eru í kjöri samkvæmt tilnefningu, en kjósa á. Kjörtími stjórnar er eitt ár. Endurkjósa má í stjórn svo oft sem vill. Engan má kjósa í stjórn nema að hann sé í féluginu. Allir félagar eru skyldir að taka við kosningu eitt kjörtímabil. Þeir einir eru réttkjörnir í stjórn sem við kosningar fá fullan helming greiddra atkvæða.

#### 11. gr.

Formaður boðar til stjórnarfunda. Stjórnarfundur er lögmætur ef minnst 4 stjórnendur eru á fundi. Úrslitum ræður afl atkvæða, en séu þau jöfn, ræður atkvæði formanns. Allar fundarályktanir skulu færðar í gerðabók og rita viðstaddir undir þær. Stjórn boðar til félagsfunda og undirbýr fundarmálefni, framkvæmir fundarályktanir og annast störf milli funda. Stjórn leggur fyrir aðalfund til úrskurðar reikninga félagsins næsta ár á undan, er hún sér um að séu endurskoðaðir í tæka tíð, enda fylgi tillögur endurskoðenda og athugasemdir, ef einhverjar eru. Stjórn hefur eftirlit með framkvæmdum og eignum hennar, innheimtir félagsgjöld og sér um greiðslu á gjöldum félagsins. Stjórn gætir í öllu hagsmuna félagsins og getur leitað aðstoðar landsлага og réttar í málefnum þess ef þörf krefur.

#### 12. gr.

Allir þeir samningar sem stjórnin gerir fyrir hönd félagsins samkvæmt samþykktum þessum eða fundarályktunum félagsins, eru bindandi fyrir félagið og hvern einstakan félaga. Stjórnendur 5 saman skuldbinda félagið. Stjórnin ber ábyrgð gerða sinna fyrir aðalfundi.

#### 13. gr.

Hver aðalfundur kýs 2 endurskoðendur og 1 til vara. Skulu þeir vera í féluginu. Kjörtímabil þeirra er eitt ár. Félagsstjórn er heimilt að fela löggiltum endurskoðanda endurskoðun ásamt hinum kjörnu endurskoðendum. Endurskoðendur skulu sannprófa að reikningar félagsins beri saman við bækur þess. Reikningsár félagsins er frá 1. mars til loka febrúar ár hvert.

## ÁRSSKÝRSLA 10

---

### 14. gr.

Aðild að félagini er ekki bundin við það að félaga taki þátt í æfingum félagsins eða björgunarstörfum.

### 15. gr.

Stjórn félagsins getur ákveðið deildarskiptingu innan félagsins.

## FÉLAGSSJÓÐIR

### 16. gr.

Félagið ræður sjálft fjármálum sínum. Sjóði félagsins skal ávaxta í banka og/eða sparisjóði. Ef starfsemi félagsins leggst niður skulu eignir og tæki félagsins vera í vörslu Skátafélagsins Faxa og Almannavarnarfndar Vestmannaeyja fyrstu 10 mánuðina. Ef engar tillögur hafa verið gerðar til að endurvekja félagið að þeim tíma liðnum skal lúta lögum Landsbjargar.

## ÝMIS ÁKVÆÐI

### 17. gr.

Félagið er aðili að Landsbjörg, landssambandi björgunarsveita og lýtur lögum og samþykktum þess eftir því sem við á. Félagið skal jafnan kappkosta að hafa samstarf við yfirvöld, almannavarnir og aðra björgunaraðila í landinu og sýna tillitssemi og drengskap í starfi sínu.

### 18. gr.

Félagið starfar í tengslum við skátafélagið Faxa í Vestmannaeyjum.

### 19. gr.

Lögum þessum verður ekki breytt nema á aðalfundi og hljóti breytingartillögur minnst 2/3 hluta greiddra atkvæða. Þegar leggja á fyrir fund tillögu um breytingar á lögum, skal þess jafnan getið í fundarboði. Breytingartillögur þær sem ekki koma fram fyrir en á fundi þurfa 4/5 hluta greiddra atkvæða til þess að fá gildi.

### 20. gr.

Björgunarfélag Vestmannaeyja hefur minnigarsjóð sem heitir Minningarsjóður Sigurðar I. Magnússonar. Sérstök 3 manna stjórn sér um málefni sjóðsins og er hún kosin á aðalfundi félagsins.

### 21. gr.

Lög þessi öðlast þegar gildi

## ÁRSSKÝRSLA 11

### Reglur fyrir göngurall.

1. Allir keppendur eiga að vera merktir Björgunarfélaginu. Frjálst val á skóm og fatnaði.
2. Allir sem eiga rétt á þátttöku eru félagar í Björgunarfélagi Vestmannaeyja og nýliðar sem hefur verið tekið formlega inn.
3. Karlar eiga að vera með 10 kg. og kvenmenn með 6 kg. Hlíðarföt, vatnsbrúsi, súkkulaði og fleira vigtist ekki með.
4. Vigta skal pokanna fyrir og eftir keppni.
5. Eina hjálpartækið er göngustafur.
6. Keppendur þurfa að koma við kennileitin.
7. LEID 1. Gengið er upp á Blátind ( upp á fyrsta hól þegar komið er upp á hrygg ) síðan á klif ( að skúrnum ) svo út á Skans ( hjá vatns-tankinum ) síðan upp á Eldfell ( upp að blikkljósi ) svo upp á Helgafell ( þar sem leiðarvísirinn er ) svo á Sæfell ( fyrsta mastrið ) og að síðustu niður í Skátaheimili. Kvenmenn sleppa Blátind og Klifi, en þurfa að koma upp á dalshrygg fyrir ofan Saltaberg.
8. LEID 2. Gengið út á Skans ( hjá vatnstankinum ), síðan upp á Eldfell (upp að blikkljósi), svo upp á Helgafell ( þar sem leiðarvísirinn er ) svo á Sæfell ( fyrsta mastrið ) og að síðustu niður í skátaheimili.
9. Verðlaun skulu veitt fyrir 3 fyrstu sætin í hverjum flokki og er það í höndum stjórnar, hver þau eru hverju sinni.

### Úrslit í Gönguralli 1996

#### Full leið

|                       |         |
|-----------------------|---------|
| Daði Garðarsson       | 1.41,19 |
| Gunnlaugur Erlendsson | 2.13,13 |
| Stefán Pálsson        | 2.24,39 |

#### Heldrimannaleið

|                          |         |
|--------------------------|---------|
| Steingrímur Benediktsson | 1.13,45 |
| Guðmundur Gíslason       | 1.15,10 |
| Ólafur Lárusson          | 1.34,23 |

#### Kvennaleið

|                      |         |
|----------------------|---------|
| Ester Torfadóttir    | 1.44,37 |
| Þórey Ágústs dóttir  | 1.54,34 |
| Sigríður Gísladóttir | 1.55,56 |